



Projet promovût di 'La Vôs dai Furlans' e 'ARLeF'

Lu saveviso che...?



La cjançon de setemane



"Cuntune man par chi, chê altre man par là tant che a fossin alis, nus fasaran svolâ!..."

Cjantin insieme "Comencin a svolâ" su YouTube ARLeF

Ogni tant, cuant che si cjale il cîl, si viodin movisi formis neris che a somein la letare "V". Ce sono? A son scjaps, ven a stâi grups di uciei, tant che ocjis e corvats di mâr (par talian cormorani), che a migrin in puescj plui cjalts par passâ l'Invier. Svolâ tant che un "V" ju jude a disfrutâ lis corints di aiar e a fâ mancul fature: a àn di fâ un viaç une vore lunc!

Piture il dissen



Ridi a plene panze!

Parcè di Invier i uciei svolino bande Sud? Parcè che a pît e sarès masse lungje!

Cumò fâs tu!

Cip al è pront par fâ une gjite cul avion. Judilu a cjatâ il troi just par rivâ li dal so amî Panda.



LES IMAGINS A SON GIAMADIS FÛRDI HTTPS://ITFREEPK.COM - HTTPS://PKABAY.COM - HTTPS://ARLEF.IT

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

STELIS E LUSIGNIS



Roc. Se tu rivis a puartâ a cjase un biel risultât, tu viodarâs che ancje chei altris a rivaran di rive jù.



Taur. No tu âs avonde energjie par dutis lis robis che tu âs di frontâ, dopre ben lis tôs fuarcis.



Zimui. Tu tasis masse su lis robis che ti fasin tribulâ, invezit di vierziti di plui cun chei che ti stan dongje.



Gjambar. Ti è vignude tal cjâf une persone che no tu viodis di un pieç, tu fasis ben a clamâle.



Leon. Inte agjende dal cûr tu âs za cetantis cuistions viertis, nol covente zontâ une di plui.




Vergjine. Une cuistion ti somee une vore imberdeade e tal ultin al sarâ un parint a disberdeâle.



Balance. Meti in bande la braûre nol è sempliç par nissun, soregut par te.



Sgarpion. Tu âs di cjapâ une decision impuartante, dopre dut il timp che tu âs.




Sagjitari. In amôr alc si sta movint, ancje se no tu sâs di precis ce: lasse che il timp al lavori.



Bec di mont. Par fâ lis robis fasiti judâ dai amis, ma prime di dâ ordins cîr di scoltâ cualchi consei di lôr.



Agarûl. Fasint une robe che ti plâs une vore, tu viodarâs che il timp al passe intun colp.



Pes. Tu crodis simpri di rivâ a convinci chei altris, ma dispès ti disin di si dome par fâti un plasê.